






Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4034/A








Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4034/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4034/A



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4034/A



923/ *Artis Memoria,*

Pars IV. videlicet,

DE MEMO-  
RIA REPARAN-  
DA CONSERVANDA-  
que, ac de Reminiscentia: tu-  
tiora omnimoda reme-  
dia, præceptionesq;  
optimæ:

*authore CL.V. Guilielmo Gratarolo Ber-  
gomate, Medico & Philosopho excel-  
lentissimo.*

Nunc primum in gratiam studiosæ  
iuuentutis seorsim edita:  
opera

HIERONYMI MEGISERI.



FRANCOFVRTI,

in Officina Typographica MATTHIÆ  
BECKERI.

---

ANNO M. DC. III.







CAPITA LIBRI HV.  
IVS DE MEMORIA ET  
Reminiscencia sunt  
septem.

- I Caput, declarat, quid sit  
Memoria, ubi vigeat,  
quamq; utilis sit & neces-  
saria.
- II Exponit potissimas, quibus  
lædatur causas, earumque  
notas explicat & curatio-  
nem.
- III Præcipua memoria nocu-  
menta luculenter ostendit.
- IV Similiter eiusdem adiuu-  
menta particularia enumerat.
- V Nonnulla probatiora sele-  
ctioraque medica remedia  
composita continet, servan-  
tia



*tia multumque augentia  
memoriam.*

*VI Philosophica consilia, ca-  
nones & precepta Memo-  
ria ac Reminiscencia enar-  
rat.*

*VII Caput, breui sermone de  
locali vel artificiosa me-  
moriam agit.*

*Denique omnium eorum,  
quæ dicta sunt, brevis  
ponitur Epilogus.*

**CAPVT**





## CAPVT I.



**D**OCILITATIS partes (vt Græci plerique statuunt) tres sunt, Anchinæa, Oxytes, Memoria: Anchinæa, id est, Solertia est, vbi ex his, quæ didicimus, etiam quæ non didicimus, venamur: & est mentis agitatio, & coniectandi excellentia.

Oxytes, est mentis celeritas.

Memoria, est eorum, quæ quis didicit, conseruatio: estque eius duplex virtus: scilicet facile percipere, & diu retinere, vel dicas, &c.

Memoriam esse, per quam animus repetit illa quæ fuerunt. Vel, est firma animi rerum & verborum dispositionis perceptio. Aut (vt Aristoteles opinatur) imaginatio est, quæ ab his, quæ sensus deprehenderat, remanet. Platonis autem sententia, Memoria est sensuum incolumitas: nam anima sensuum officio adipiscitur, quæcunque sub sensum cadunt, indeque opinionis origo est. Sed per mentem ipsam intellectualia animaduertit, & intelligentia fit. At memoria amissa per reminiscētiā denuo resumitur: nam cum obliuio siue memoriæ amissio duplex sit, perpetua videlicet & temporanea, in hac quidem reminiscētia agit, de qua inferius suo loco dicetur. Neque alterius partis animæ aut cerebri est effectio seu imaginatio,



## DE MEMORIA

natio, alterius vero memoria : sed in subiecto  
 eodem insunt, atq; eiusdem partis animæ fun-  
 ctiones, & vtraque est totius cerebri, in cuius  
 toto corpore fusa est princeps sentiendi anima:  
 non absq; ratione tamē antiqui dixēre diuer-  
 sas capitis ac cerebri partes ab his animæ fun-  
 ctionibus occupari. Sedē igitur habet memo-  
 ria in occipitio in tertio vocato vētriculo, quē  
 & puppim vocant. Longum esset ac penē su-  
 perfluum hīc (vbi studeo breuitati) cerebri to-  
 tius anatomen describere, quam in multorum  
 libris videre licet, præsertim doctissimi pari-  
 ter & diligentissimi Andræ Vesalij. Dicam ta-  
 men aliquid breuissimē ad rem nostram pro-  
 prius faciens. Tres animæ operationes sunt in  
 cerebro, phantasia seu imaginatiua, ratiocina-  
 tio, & memoria. Primæ duæ in duobus ventri-  
 culis cerebri maioribus, tertia in tertio & mi-  
 nori exercetur. Inter cerebri caua animalis spi-  
 ritus tenuis purus, mundissimusque versatur,  
 atque talis defertur memoriæ: quæ quidē cla-  
 ritate & subtilitate spiritus indiget. Quod si nō  
 aperiatur via illa qua transit spiritus ad pup-  
 pim cerebri, nihil homo reminiscitur: & cōtrā  
 qui velocem habent huiusce viæ aperiitionem,  
 prudentes sunt, & velociter respondent, vt  
 sunt quidam cholericī: qui vero pigram illam  
 & tardam habent, pigri sunt & tardi addiscen-  
 dum atq; respondendum, suntq; tales vt pluri-  
 mum phlegmatici vel melancholici, crassique  
 ac mul-



ac multis cibis ac potibus vtētes. Rari quidem reperiūtur, qui felici ingenio, & foecunda memoria dotati à natura sint. siquidē ingenium subtilem & mollem cerebri substantiam, memoria permanētem indicat. Dicit quoq; Galenus cap. 12 Artis medicinalis, ingenium quidem subtilem cerebri substantiam indicat: tarditas vero intellectus crassam, &c. Hanc functioni deseruiens spiritus, à corde per arterias ad caput subuolat, & exterius nos cingēte aëre alitur, diuturnitatemq; consequitur. Et denique, conueniunt Phyllici omnes, Memoriam potissimum pollere ex bona temperatura organi sedisve, in qua hanc functionem anima exercet. Indicium etiam erit eos valere memoria, quibus in posteriora caput protuberat: eandem infirmam experiuntur, quibus ibidem velut complanatum ceruici exæquatur. Sciendumq; quod sapere fit ex spiritu bonitate: boni vero spiritus sunt, qui claritate ac motu temperati sunt & subtilitate. Plato in Theæteto, Non recte, inquit, anima se habet in denso, aut lutulento, aut molli nimis, aut duro. Intēperies autem multifariam contingit: nam ex vtero quis tam validam nonnunquam contrahit, vt non solum memoria, sed & ratio lædatur, atque ita stultitia fiat: cuius inter cætera signa, vt habet Aristoteles primo de Animalium natura, sunt prægrandes, & erectæ aures. Si Solem Arietem perua-



gantem aut Scorpionem, aliquo nascente Luna  
adeat, ei cerebrum adeo affligit, ut melancho-  
lica passio paululum adultis oboriatur. Ex  
prauo item victu frequens est cerebri intem-  
peratura, quandoque ex insalubri ambientis  
aëris constitutione: nam vetus est dictum, ubi  
fit siccior aër, ibi fere etiam esse acriora inge-  
nia, animamque prudentiorem seu promptio-  
rem: sic crassum cœlum & pingue, ingenia gi-  
gnit hebetiora. Eadem diatæ est ratio, ut etiam  
habet Galenus in libro Quod animi mores,  
&c. Quinetiā ex casu, ex percussione, ex morbo  
& aliis id genus iniuriis labefactatur, quorum  
exempla varia & ex Thucydide libro 2. belli  
Pelop. & ex aliis haberi possunt: quidam ictus  
lapide, oblitus est tantum literas, ex præalto te-  
cto lapsus, matris, affinium & propinquorum  
cepit obliuionem: sui vero nominis oblitus est  
Messala Corvinus orator. Ecce igitur, quam  
fragilis sit omnium preciosissimus hominis  
thesaurus. Memoria inter humanæ naturæ cō-  
moda, teste etiam Seneca, primum sibi locum  
vendicat: nam multa legere studiosis facile,  
multaque intelligere bono atque exercitato  
ingenio non difficile est: verum ea congerere,  
& in memoriæ scrinio conseruare, ita ut non  
effluant, necessarium ac præcipuum est hu-  
manæ vitæ bonum. Ex Auicennæ sententia  
sexto naturalium, egregia illis suppetit me-  
moria, quorum animæ multis non distrahun-  
tur



tur motibus, nec conuellitur cogitatio. idcirco  
 pueri pertinacius retinent quæ imbibierint.  
 Diuus Augustinus modo scribit, memoriam  
 esse animum, modo ventrem animi: cuius aula  
 sit ingens & perquam admirabilis. idem nunc  
 memoriæ cauernas, nunc antra & sinus vocat.  
 Vt testatur Plinius lib. septimo, capite vigesi-  
 mo quarto, Cyrus Persarum Rex omnes suos  
 milites nominatim appellabat. Mithridates  
 duarum & viginti gentium Rex totidem lin-  
 guas absque interprete & audiebat & alloque-  
 batur, nec desunt innumera pene quæcunq;  
 temporum exempla præstantissimæ in homi-  
 nibus memoriæ. Quibus igitur non est tam ex-  
 cellens memoria, labore vt eam assequantur,  
 opus est, sine qua vix in virum excellentem  
 quisquam emerget: fieri enim solet, vt quan-  
 tum quisque memoria emineat, tantum eni-  
 teat & sapientia, nisi sit somnolentus atque o-  
 ciosus. Et Poëtæ non ab re sapientiam memo-  
 riæ filiam finxerunt: ac de ipsa recte Afranius  
 de gignenda, comparandaque sapiëntia scripsit  
 his versibus:

*Sophiam me vocant Græci, vos Sapientiam.*

*Vsus me genuit, mater peperit Memoria.*

Nonnulli iam ætate prouecti, hac arte freti,  
 ad literas se conferentes, non multis mensibus  
 in viros euasere doctissimos. Quo igitur pacto  
 ea acquiri augeriue possit ac seruari, hoc opere  
 differemus. Constat autem cum pluribus do-

A 5 Etis.



Etis, tum vero Ciceroni, memoriam habere quiddam artificij, & nō omnem à natura proficisci: sic igitur & nos pri<sup>o</sup> docebimus, quo victus genere, quibusve medicaminibus ea acquiri, firmariq; possit, breuia, clara, vsuq; probata, ponentes: postea, de artificiosa memoria, quæ eadem ipsa est naturalis, sed præceptionibus quibusdam firmatur, ac observationibus, locis, imaginibusque constat, succinctè agemus.

## CAPVT II.

*Caput secundum, præcipuas quibus ledatur causas, earumque notas & curationem continet.*

**D**VÆ sunt causæ principales, quæ obsunt memoriæ, frigiditas & humiditas: quæ frigiditas vel sola est, vel cum humiditate coniuncta: omitemus corruptionem quæ fit à calido & sicco intensis. plus tamen nocet frigiditas humiditate: ea siquidem confundit naturam, neque eius opus ingreditur, nisi tanquam subdominans instrumentum. Humiditas vero retentiæ contrariatur, quæ sicco proportionato confortatur: nam siccitas superflua nocet præsertim apprehensiuæ, dum impedit, ne insigillantur formæ. Frigidi est sistere & calidi mouere: ergo frigiditas impedit motum necessarium ad memorandum. Retentionem vero impedit humiditas. Denique cum



cum frigiditatis filia sit obliuio, vt & Paulus Aegineta, & reliqui tenent, dicendum ac tenendum est, eam magis obesse memoriæ, quā noceat humiditas. Propter frigiditatē enim quæ humores & spiritus congelauit, spectrum seu species imprimi non potest. Quorum igitur memoria vel intellectus perit, somnos etiam obseruare oportet, vtrum vehementer an modicè somnolenti sint, aut omnino nō somnolenti, sed secundum naturam habeāt. Sic enim vincentem inuenies intemperaturam: nam ex multo ac profundo somno, humiditatem obesse: ex vigilia, siccitatem: & ex horum medio æqualitatem & bonam humorum proportionem cognosces. Adhæc considerandum, vtrum excernat quippiam ex naribus vel ex ore quod à capite defluat, an aridæ ex toto vel vt plurimum huiusmodi partes sint. atque antecedentium causarum & externarum cognitio capitis dispositionem declarabit, quo idoneā dispositioni curationem adhibere possis. Vbi dominatur cerebri humiditas, multa somni cupiditate tenentur, oris plurima est saliuæ, & in naribus oculisque pituita frequens: omnes motus hebetes sunt. Tales præsentia recordantur, & nuperrimè gesta: dudū vero facta, aut nequam aut difficile recordantur. nam humiditatis cerebri est facile admittere & dimittere quaslibet impressiones.

Siccitate dominante, quæ humiditati contraria



traria est, ex contrariis signis indicatur: adsum enim capitis vigiliæ, leuitates, & rarissima illarum superfluitatum emanatio, quæ à naso, palato, & oculis expelli solet, oculi sunt caui: cito calui fiunt: aurium tum abundabit cerumen. Quantum vero ad memoriam spectat, præsentia difficilius inscribuntur, & inscripta diutius tenentur: inde fit, vt quæ antea gesta sint, facilius memorentur & reddantur, quam quæ nuperrime gerantur. Exemplo sint senes, qui gesta ab ineunte ætate recitant ordinatim, præsentia vero non recordantur, aut confundunt. Hoc etiam contingit senibus: quia ex frequentatis actibus fit habitus: hinc fit, vt decrepiti bene recordentur antiqua, quoniam sæpius circa illa, vel illis similia considerauerunt: male autem noua, quod illis impressio non facile fiat ob duriciam sensorij.

Si dominatur frigiditas, his facies albet, lumina languent, venæ inconspicabiles fiunt, somnolenti sunt, partes ad caput attinentes parum calidæ erunt, nec rubicundæ: mens erit stupida, vertigineq; grauatum caput, & tardæ rememorationis. Hæc qualitas, vt prædiximus, valde officit, & animi facultates imminuit, inertesq; efficit: nã vt calidi est mouere, ita frigidi è contrario facere: scias tamen in vniuersum, viuentis cerebrum calidius esse aëre æstiuo, vt Galenus habet in de vsu partium

At cum viget in cerebro caliditas, his notis  
facile



facile innotescet : nam quæ circa caput sunt, calida magis ac rubicunda sentiuntur : oculos cernes versatiles, eorumque venas magis apparentes : Capilli in lucē editis statim moriuntur, nigri, robusti, crispique fiunt: breuibz somnis nec profundis contenti sunt: motuum velocitas & recordationis inest. Si vero auctior sit, & facta innaturalis caliditas, vigiles erunt. Hic nimius calor animales spiritus excoquit, in fumosque ac fuligines diripit, & succos generandis spiritibus aptos torrefacit. Qua de re felici vel tuta memoria destituuntur.

Si vero duæ qualitates adiungantur, signa earum tanta proportionē cognosces, quanta istæ qualitates aut intenduntur, aut remittentur : nec difficile fuerit iudicium ex præmissis, vt si fuerit caliditas & siccitas extra temperiem, aderit permixtio sensus, vel phrenitis iuxta intensiorem gradum qualitatum.

Constat igitur Memoriam posse medicinali artificio seruari, augeri & excitari : cum constet eam morbo minui, deprauari, ac deficere. laboriosissimum tamen est, medicinalibus augere memoriam: nam thesaurus iste bonam corporis dispositionem requirit: & optimum vitæ ordinem.

¶ Quo itaque ad curandi rationem, victus primo pro causarum varietate mutatur, vt infra dicemus. Annotandum vero prius est, obliuionem à natura reportatam, non facile remoueri



moueri posse, nec quæ à causa calida & sicca fuerit, sano in cæteris corpore. Hoc est interdum evenit, ut præter consuetudinem sit diminuta vel abolita memoria: tunc timendum est de peiori ægritudine, nisi ocyus succurratur, scilicet, Lethargia, Epilepsia, Apoplexia, Paralyssi, cæterisque id genus quæ à phlegmate in cerebro fieri solent, pro quibus ad medicos confugas. Si est ob extremam senectam memoria perierit, frustra laborandum, ad mouendis scilicet remedijs, non est: sed tantum conueniente victus ratione contentos esse oportet, denturque cibaria & linctuaria humectantia & restaurantia siccitatemque arcentia.

Si propter vehementes purgationes cæterasque immodicas inanitiones, vel à siccitate, memoriæ noxa superuenerit, victu tantum reficiēte succurrere oportet: corroborato siquidem corpore, collectisque viribus, memoria reparatur. Cibi conferent igitur succulenti & boni succi, qui facile concoquantur in ventriculo: vinum sit rubrum, maturum, dilutum: exercitia moderata, & citra fatigationē: caput clementer fricetur: prolixè dormiant: molliter cubent: tepidæ aquæ balneis utantur: sudationes vitent: capiti abrafo epithemata infundantur, vel fomentationes, ex decocto florū chamæmeli, meliloti, feminis lini, hordei decorticati: aut ex lacte recens mulcto: inungatur oleo susino, amygdalino, dialtea, butyro non salito. Sumant  
con-



conseruam boraginis, buglossi, cortices citrei  
conditas, & similia.

Si à frigida cerebri in temperie sola sine ma-  
teria malum ortum fuerit, opponatur caliditas  
frigiditati, & pariter humiditati siccitas, cum  
temperamento tamē: in caliditate enim & sic-  
citate naturali omnis æqualitatis debet esse  
proportio, vt ne quid nimis: quia calor natu-  
ralis nō est purus calor, sed compositus, in quo  
est omnis æqualitatis proportio: non enim o-  
mnis caliditas bonam memoriam facit, nec o-  
mnis siccitas: sed quæ proportionē respondet  
temperamento, nec fluat in intemperiem im-  
moderatam, cuius vis est actum proprię virtu-  
tis tollere. Cauendum est ergo, ne nimis cere-  
brum calefaciamus, aut exsiccemus nimis. Et  
qui tēperato est capite, caueat, ne medelas ap-  
ponat. Qui igitur corruptionem memorię pa-  
tiuntur, ex immenso calido & sicco, quā con-  
iunctionem plerunq; phrenitides & deliria se-  
quuntur, ijs oxyrhodinū capiti infundatur, &  
curatio reliqua cum his quæ refrigerant & hu-  
mectāt, pulchrē cōplebitur. Quod si ex nimia  
frigiditate adnixa intensē siccitati fuerit, quod  
accidere cōsuevit aut propter longos morbos,  
aut vehemētes corporis labores, aut acres valde  
animi affectiones, quib. naturæ vires fatiscūt,  
& animales spiritus dissipantur, humectantia  
& mediocriter calefaciendi simul vim habentia,  
haud mediocri erunt præsidio.

Cum



Cum autem non solæ ac nudæ qualitates  
offensioni erunt, sed adfuerit simul humorum  
copia, ab euacuatione incipiemus præmit-  
tendo concoctionem conuenientem, si opus erit.  
Sanguinis copia venæ postulat sectionē, quæ  
cum medici docti consilio fiat: incidatur au-  
tem humeraria, quam cephalicam vocant, si  
caput solum degrauiatur: si corpus totum, aut  
interna, aut media. Si bilis flaua abundauerit,  
consulto medico, cum educētibus bilem pur-  
getur, vt cum rhabarbaro, manna, cassia, succo  
rosarum, electuario rosato: syrupo rosato so-  
lutiuo: tamarinthis, vel aureis vocatis pilulis;  
& similibus. Si atra bilis, præsidis itidem con-  
uenientibus à peritis medicis traditis educa-  
tur, vt senæ dilato, epithimi, veratri in fortio-  
ribus: dyalene, pilulis indis, &c.

Quod si fuerit causa, quæ penè semper con-  
tingit, frigida & humida, hi modi in curando  
seruentur: Et primo, quo ad victum, moram  
trahat quantum poterit, in aëre luminoso non  
ventoso: nam venti plurimum obsunt. Euitent  
quæ phlegma multiplicant, omniaque frigi-  
da, similiter & vaporosa, vt cepæ, & super o-  
mnia repletio & facietas aut cruditas, multus  
potus, multa fructuum comestio vitetur, cibi  
grauis concoctionis, ablutio cum nimis calida  
vel frigida aqua, potatio eius nimia vel vini.  
Conferent igitur cibi bene nutriētes, calidum  
& spirituosum sanguinem gignentes: verue-  
cina;



cina, hœdina, capi, phasiani, perdices, quorum  
 oua singulari potestate in hoc pollent, pipio-  
 nes, turtures, passeruli, galeritæ, turdi, meru-  
 læ: parentur cum hyssopo, satireia, thymo,  
 sampuco, rore marino, caryophyllis, macere,  
 gingibere, pipere, cinamomo, granis iuniperi,  
 præsertim hyeme. Animalia fugiant nuper e-  
 dita, quod mucosam ac viscidam habeant car-  
 nem: animantis cerebrum, vt pituitosum in-  
 commodat, nisi sit gallinæ, quod peculiariter  
 & summe laudatur. Similiter fugiant medul-  
 las, gruinæ, carnes, pisces præsertim viscidos &  
 lacunales, olera frigida, lac, caseum, præcipue  
 mulcum, aut prauum: fructus humidos & ho-  
 rarios acriora interdum, hyeme præsertim, ex-  
 hibeantur, vt allium, pulegium, capparis remo-  
 ta falsedine: sinapi à Pythagora laudatum: par-  
 ce epulentur præsertim cœnantes: vinum bi-  
 bant album, aut vermiculum subrubrumue:  
 aquam, nisi sit cum melle vel cinamomo, aut  
 alio cum aromate decocta, non gustent. Pro-  
 lixum somnum diurnumque auersentur, nec  
 super nucham, vel super nimia repletionem fiat:  
 à superflua quoque vigilia caueant: debilitat  
 enim spiritum ipsumque resoluit, ac caput re-  
 plet. Exercitium fiat deambulando, & cibos  
 præcedat, cum fricatione etiam partium capi-  
 tis (facta tamen prius conuenienti purgatio-  
 ne) cum pannis asperis, & pedum & manuum,  
 sed moderatum: ac totum corpus fricandum

B

pri-



primo; deinde caput: incipiatque à tibiis fric-  
 tio; paulatim superiora fricando, vt deorsum  
 trahatur materia. circa lacus, flumina & vli-  
 ginosa loca non versentur, austrinos flatus, &  
 pluuiosas constitutiones declinent, lucidam  
 & altam domum inhabitent, caput oleis con-  
 tienientibus ( vt etiam infra dicetur ) vnga-  
 tur. à multo vel frequenti coitu, omnibusque  
 cerebrum debilitantibus caueant: nam princi-  
 pali debilitato, nocentur & orta ab eo: corpus  
 seruetur mundum à superfluitatibus. Si igitur  
 pituita lenta ac crassa fuerit, fiet illius attenua-  
 tio, & concoctio, & præparatio ad eduçtio-  
 nem, cum oxymelle composito vel scyllitico,  
 vel de quinque radicibus, de stichade, de ra-  
 phani radicibus facto, melle rosato, prout o-  
 pus fuerit, & aquis seu decoctis conuenienti-  
 bus. Ad educendam vero præparatam mate-  
 riam exhibeantur pilulæ vel cochix, vel ex  
 hiera Galeni, addito modico castorei & nucis  
 myristicæ; addatur etiam præparata colocyn-  
 this secundum medici præsentis prudentiam:  
 vel detur hiera magna cum nuce moschata:  
 vel hiera Ruffi, de qua Aëtius libro tertio:  
 conueniet etiam hiera logadij, & alia quæ  
 conueniunt dolori capitis ex phlegmate, de-  
 inde fiant etiam gargarismata, fomentatio-  
 nes, vñctiones, sacculi, & huiuscemodi. Gar-  
 garismus talis esse potest: Recipe calami aro-  
 matici, pulegij, hyssopi, thimiana pugillum  
 vnum,



vnum, decoquantur in aqua iuxta quantitatis  
 ad dimidium, & vnciis s. colo transfusis, adice  
 oxymellitis scyllitici vnciam vnam semis, mel-  
 lis rosacei vnciam semis, misce, & tepidū mane  
 ieiuno gargariza: clystere etiam, si opus fuerit,  
 fiat, ex respicientib. caput: sternutationes fiat,  
 vt cum pipere, struthio, seu condisi, elleboro  
 albo, iride, & similib. aut ex his cū terebinthina  
 & ladano fiant errhina seu nasalialia. Conferunt  
 præterea si pituita vltterius exundat, quæ saluā  
 mouent, seu apophlegmatismi, odora menta:  
 cubebæ masticatæ seu cōmansæ, modis omnib.  
 auxiliantur: aurib. indatur oleum castorei, la-  
 uādulæ, spicæ, q̄ si vel minor humorum copia  
 adfuerit, aut patiens non adeo validus, leuiori  
 pharmaco pituitam à corpore vacuabimus, &  
 quod robur potius in mēbris relinquat quam  
 auferat: vt recipe aloës lotæ cum succo thimi  
 aut samplici drach. i. agarici trochiscati drach.  
 2. mastiches, cubebarum, nucis molchiatæ ana  
 gran. 6. cum vino odorato formentur pilulæ  
 12. quarum 7. sumat in aurora, cum syrupo sti-  
 chadite: reliquas post dies 3 horas 2. post cenā.  
 Postea cum electuarijs confortantibus sequē-  
 tibus aut similibus roboretur, præmissis tamen  
 etiam localibus purgantibus, vt supra, si opus  
 est, rursus pro purgatione conferent hæ pilu-  
 læ etiam à proprietate: Recipe thuris masculi,  
 myrrhæ electæ, gingiberis ana drachm. i. se-  
 mis, pulueris capitis vpupæ drach. duas, acori

B 2

scrū-



scrupulos duos, hieræ maioris drach. i. semis, castorei, colocynthidis ana scrupulum semis, confice cum bona terebentina vel cum serapio de stichade, & fiat pasta, denturque pilulæ numero paucæ, sed crassæ, supra leuam cœnam in lectum descendentem: possunt etiam auferri ea quæ soluunt, vt tantum confortent: hæ ferunt principatum hac in causa, & præ cæteris conferunt memoriæ. Item ad corroborandum, fiat eclicma vel linctuariū tale, vel similem in modum: Recipe conseruæ anthos, melissophylli, ana vnciam vnā, inulæ conditæ, gingiberis viridis vel conditi, ana vnciam semis, corticis citrei conditæ drachmas 6. diatrion pipercon, diambaris, ana vnciam semis, cum modico aquæ vitæ in vasis vitreis semel destillatæ ex vino bono, vel cum aqua mellissæ, aut florum lilij conuallij: commisce: sumat horis duabus ante cibum in mane drachmam vnā aut alteram, & semidrachmam hora somni.

Notandum autem quod nucha est cerebro frigidior, ideoque calida magis patitur & tolerat, frigida deterius: meminisse igitur oportet, ne frigefacientia quæ forinsecus inducuntur, in occiput cadant. Calefactoria itaque medicamenta tam extra quam intra corpus adhibenda, thymum & pulegium, & origanum, vel huius generis alia incoquantur aceto, & ægrotanti naribus admoue: palatum acribus validisque medicamentis inunge. Extrinsecus au-

tem



Item inunctiones capiti ex oleo calido, idque æstate adhibende, vt rutaceo, anetino, &c. hyeme vero irinum in quo incoctum sit serpillum vel calamentum, piper, bacca lauri, addendo aceti modicum ad penetrationem. Vtile erit & castoreum cum oleo illitum occipiti: vel tale vnguentum: Recipe olei de lateribus, de castoreo ana vnciam semis, radicis acori, phu seu Valerianæ, ana scrupulum vnum, pyretri, rutæ ana scrupulum semis, cum cera quantum sufficiat, fiat vnguentum, quo rasum occipitium inungatur: & subinde sacculus imponatur, qui recipit florum rosmarini, melissophylli, lauandulæ, singulorum manipulum medium, florum sambuci manipulum vnum, stichadis drach. 3. nucis moschatæ, ligni aloes, maceris ana scrupulum vnum, contusa in sericum demittantur, formeturque sacculus.

Linimentum aliud, conferens diminutioni memoriæ & obliuioni: Recipe olei sambucini vnciam vnam, olei de been vncias duas, olei euforbij, castorei ana vnciam semis, aceti drach. tres, misce, inungaturque locus. Item oleum philosophorum vocatum à Mesue, occipitio inuncto, memoriam mirabiliter reparat.

¶ Alia inunctio. Recipe radicis rutæ, buglossi, phu cum radicibus ana vncias quatuor, castorei duorum vel trium annorum, linguæ auis quam semen fraxini vocant, ana drach. duas: redigantur in puluerem & misceantur:

B 3 post



post Recipe succi euphragiae, ormini quam sclareā vocant, verbenae ana uncias 4. medullae anacardi unciam unam, axungiae ursi, quantum satis sit, fiat unguentum liquidum, & ponatur in vase cupri vel stanni, ut stet liquidum, nam aliter haud valeret, ungeturq; occiput.

Quod si citius iuuare velis, aut frigidioris capitis sit patiens, & in tempore frigido, nares intus hoc unguento illinantur: Recipe olei de spica odorati unciam, caryophyllorum scrup. i. ambari scrup. semis, musci gran. 5. ceræ albissimae quod satis est. eius etiam gutta ante ceræ impositionem auribus tepidae instillata conducet.

Emplastrum quoque de sinapi Mesue secunda descriptione Antidotarij valebit in affectu frigidiori, occipiti admotum: vel oleum de sinapi. Superiora conferunt etiam absque praevia purgatione, ut & sequentia, his qui frigiditate sola absque notabili humiditate laborant. Intrinsecus quoque praeter supra narrata conferunt, verus acorus conditus (quem calamum aromaticum credo, vel galangam) saccharum florum betonicae, roris marini, lauandulae, spicae nardi, melissophylli, adiectis longo pipere, caryophyllis, cinamomo, nuce muscata, & id genus aliis odoratis. Valde etiam iuvat gingiber conditum ad auellanae quantitatem, praesertim in ventriculo frigido & humido, uti ferè est in omnibus vel pluribus tali causa & affectu



affectu laborantibus: nam reparat memoriam  
sumptum mane in tēporibus non calidis, ho-  
ris quatuor ante cibum.

Confert non parum & hoc: Recipe thuris,  
cyperi, piperis longi, croci, myrrhæ, ana, confi-  
ce cum melle, & ex eo omni die sumatur drach.  
1. horis supradictis, præsertim mane.

Aliud ad idem, præcipuè senibus valens:  
Recipe mellis anacardini, thuris albi, cyperi,  
acori veri ana partes duas, rotundi piperis &  
longi ana partem vnam, myrobalanorum ce-  
pulorum, cæruleorum, ana partes duas, cy-  
mini partem vnam, mellis quantum sufficit.  
datio sit drach. 2. singulo mane, diambæ etiam  
conuenit.

Prodest & confectio anacardina, si probè  
conficiatur, ac post sex menses ea vtaris. hæc e-  
nim acuit ingenium & sensum, & intellectum  
clarificat, mentem reuocat sopitam, lethar-  
giam curat, & arthriticos: confertque dolori  
ventriculi & alui à frigiditate: sed stupidis dan-  
da est, & capiti maximè frigido ac pituitoso. sic  
vero fit: Recipe myrobalanorum empellicorū,  
belezicorum, piperis albi & longi ana drachm.  
duodecim, gingiberis, mellis anacardici ana  
vnciam vnam, castorei, styracis, caryophyllo-  
rum ana drach. quinque, florum camemeli, bac-  
carum lauri, cyperi ana drach. tres, mellis quā-  
tum sufficit, misce in modum electuarij. Datur  
in sero scrupulus, vel ad modum parue nucis



siue auellana, id est drachma, cum vino calido decoctionis seminum anisi & fœniculi: potest & mane sumi. Caueat vero sumens à frigiditate, à cibis phlegmaticis, ab ira, coitu, & ebrietate. Anacardi autem antequam in aliquibus medicinis ponantur compositis, debent in hunc qui sequitur modum præparari.

Recipe anacardos, ac eos tere optime in mortario, atque in aceto fortissimo ponantur per dies septem, post lento igne in eodem aceto coquantur, quoad aceti pars tertia remaneat: tum percola fecem illam quæ in fundo vasis remanserit prius aceto leuiter extra colato, eamque colo transmissam facem, in medicinis pone: neq; enim anacardorum fructus medicinis per os assumendis immiscentur, nisi prius hoc modo vel simili præparentur.

Quod si mel anacardinum facere volueris, pone cum ipsis anacardis eo modo in aceto coctis, tantundem mellis despumati, ac simul ambo buliant ad spissitudinem, & mel habebis anacardinum quod in prænarratis affectibus operatur mirabiliter, si ex eo des drachmas duas vel vnam in aurora.

In Sicilia dum recentes sunt anacardi, ponuntur in melle prius liquefacto, & diu morantur in eo, taleq; vocatur mel anacardinum, & habetur vsui absque anacardis, & inditur linctuariis. Si eo ex melle dentur drachmæ duæ, recuperat memoriam ex proprietate sua.

Exper-



Expertus est & acorus verus nutritus ac coctus in melle & reseruatus, vt condiuntur nuges ac radices : similiter piper longum nutritum, coctumque in melle & asseruatum, nam seruant & augent memoriam : dosis communis drach. i.

¶ Aliud expertum in forma pulueris. Recipe thuris drach. vnam, cyperi, piperis, croci, myrrhæ ana drach. duas: terantur subtiliter, & per cribrum ducito, & fiat puluis, de quo omni mane dum surgit, detur drach. i. vel sero in ingressu lecti.

Aliud expertum. Recipe cumini, piperis ana drach. 2. sacchari albi drach. tres : terantur & fiat puluis, cape drach. vnam omni die in mane. Aliud itidem expertum. Recipe thuris albi drach. vnam, piperis longi vel albi scrup. vnum, fiat puluis, qui mane totus pro vna datione bibitur per plures auroras cum vnciis tribus aquæ mellis, vel decocti cinamomi modici & caryophyllorum.

Aliud æque bonum ac certum. Recipe cumini drach. quinque, piperis noui drach. vnam, acori veri vel galangæ, cyperi, myrobalanorum nigrorum ana drach. duas, mellis anacardi (de quo supra) drach. vnam, mellis communis vncias 3. semis: terenda terantur, & cum melle prius despumato incorporentur, & fiat conditum in pixide. datio in omni mane drach. 2.

B

5

Si



¶ Si quis autem pauper ac pituitosus memoriam compendio iuuare velit, Pilulas de hiera cum agurico post leuē cœnā per horā sumat: sequenti die post euacuationē fac duas (vt vocant) tentas de arthanita siue pane porcino aut cyclamine, & pone in naribus, & purgabūe fortiter: postea ablue nasum cum rosacea: & mane sequenti sume paruum cochlear boni ac odorati olei vt spicati vel similis, & adhibe narium foraminibus: si vis vt benè ascendat, imple os tuum vino.

## CAPVT III.

*Caput tertium, quomodocunq; nocentia memoria precipua ostendit.*

**C**AVERE oportet in vniuersum cruditates, tanquam rationi infestissimas, & toti corpori.

Plurima vini præsertim potētis potio pessima est: vehementer enim humectat caput, ac ferè nihil æque obliuionem inducit, quàm superflua humiditas.

Et qui vult bona pollere memoria, quantum potest à vino abstineat, & eius vice, saccharata vel mellita vtatur aqua.

Exterior excedens frigiditas lædit memoriam, præcipuè nocturna propter malam capitis cooperturam.

Ire per lutum temporibus frigidis ac nudis pedibus,



pedibus, præ cæteris cerebrum lædit & infri-  
gidat, oculosq; debilitat.

Caliditas intensa valde quandoque pertur-  
bat rationem, & memoriam lædit.

Ciborum fumosorum comestio & potus,  
ut alliorum, porrorum, ceparum: item casei &  
leguminum vitetur.

Brodialia, iuscula, omniaq; nimis humida,  
effugienda, præsertim vesperi: omnis etiã mala  
masticatio praua est.

Potus post comestionem dum cibi fit con-  
coctio eam interrumpens præsertim à cœna,  
memoriæ cerebroq; valde nocet.

Quies superflua calorem debilitat: super-  
fluitates retinet & aggrauat, ideoque lædit me-  
moriā.

Somnus cibo propinquus, antequam scili-  
cet descēderit cibus ad ventriculi fundum, in-  
festissimus: sit igitur post duas horas: ac capite  
bene eleuato ac cooperto, non tamen super-  
flue, quia nimia coopertura vel caput debilitat,  
resoluendo: vel replet, ob calorem attrahendo.

Nocet coitus frequēs, vel stomacho repleto  
aut famelico, aut quē nullus somnus aut quies  
sequitur, aut prope Lunæ coniunctionem, vel  
cum alia quam cum propria vxore.

Dormire calceatis pedibus, præcipue cum  
sotularibus, memoriam impedit, ob vaporum  
reflexū: visum debilitat, & corpus æstulare facit.

Crudæ herbæ comestæ, multum nocent  
memoriæ.



memoriæ, vt plurimum. Similiter nuges, castaneæ, &c.

Videre vel audire non placentia animo : & huiuscemodi animi symptomata.

Metus perimit memoriam, vel tristitia perseverans: nocet & rei familiaris cura sollicita, nil tam mortiferum ingeniis quam luxuria.

Somnus immoderatus, & vomitus laboriosus.

Acetum & acetosa omnia : vel si vtendum erit aceto in pinguibus & pituitosis, sit ex potenti vino factum, calidumque & in raro usu, ac cum modico cinamomo, ponaturque in acetivasculo calamus aromaticus seu galanga, & pulegium. Sunt qui dicant gallorum ossa exueta, veterum adducere.

## C A P V T I V.

*Caput quartum, iuuantia particularia præcipua enumerat.*

**F**RUCTVVM stipticorum ex natura vel arte post comestionem moderata sumptio prohibendo fumos eleuari, memoriam iuvat valde.

Temperatorum ciborum & potus, sicut gallinarum & perdicum præcipue cerebello- rum earum temperata refectio, non tantum memoriam, sed & totum corpus confortat: vtque actibus animæ nocet cacochimia, ita in-  
necuos



nocuos custodit euchia, præsertim in teneris annis. ob id ex plebeia faceraro sublimè ingenium surgit, nisi liberalis accedat educatio.

Ante cibum moderate & conuenienter exerceri, non tantum memoriæ, sed & cæteris functionibus prodest.

Sit autem motus lōgus, seu exercitium pro corporis robore laboriosum, vt superfluitates resoluat: sitque per loca amœna & sicca: ac, si fieri potest, omnes corporis partes exerceant.

Superfluitatum per intestina, per nares, per palatum, per os, aures, per vrinam, per capitis frictionem cum pectine conueniens & debita expulsio, confert plurimum virtuti memoriæ, si post somnum & ante exercitium fiat.

Visorum auditorumue frequens recordatio, memoriā corroborat & confirmat: nam nihil æque aut cura augetur, aut negligentia intercudit, ac ipsa memoria: quia nisi excolas & iugi meditatione exerceas, inertia situque corrumpitur.

Gaudium temperatum & honesta delectatio, præsertim scientiarum meditatione, non solum memoriā, sed virtutem intellectiuā, cæterasque virtutes corporis etiam augmentat.

Sæpe lauare pedes in aqua calida, in qua bullierint melissophyllon, folia lauri, chamæmelon, & similia, memoriæ, capiti, oculisq; valde confert.

Abluere



Abluere caput decimo quoq; die cum lixi-  
uio, in quo parum bulierint chamæmelon vel  
asarum, melissophyllon, saluia, amaracus, siue  
sampilucus, lauri folia, nuces cupressi, vel simi-  
lia, additis in æstate rosis, memoriam corrobo-  
rat & confirmat, vt in capite etiam sequenti  
latius dicetur.

Stare pedes post comestionem, vel suauiter  
de ambulare, quo cibus ad fundum descendat  
ventriculi, multum expedit & confert, ob bo-  
nam ciborum concoctionem.

Coriandri bene præparati & saccharo indu-  
cti post cibum assumptio, prohibendo fumos  
ad caput ascendere, memoriam iuuat: id præ-  
stat & diacotoneon: vel aslatæ auellanæ quinq;  
vel sex pro vice.

Masticatio masticis cum modico gingibere  
facta ieiuno stomacho, ab humiditate phleg-  
matica sine molestia caput purgat, indeq; præ-  
pedita confortatur memoria.

Galanga naribus indita, cerebrū frigidum  
roborat.

Recipethus albissimum, tere in puluerem,  
pone in phiala cum pura & simplici frigida a-  
qua, bibe in augmento Lunæ in ortu diei, in  
meridie, & solis occasu, facit bonā memoriam  
& acutum sensum, exsiccans cerebrum & ven-  
triculum.

Tradit Symeon Sethi, vel perdicis arteriis  
temporum illitū, vt penetret, semel in mense,

ad me-



ad memoriam confirmandam prodesse plurimum.

Melissophyllon confirmat eā. & ingenium acuit, hominemq; quocunq; modo comedatur herba, facit industrium: quod etiā nasturtium in frigidioribus & segnioribus efficere potest, vnde natum est in segnem adagium, Ede nasturtium. Sisimbrium (mentæ species) ab Auicenna laudatur. Borago item in calidis, aut temperatis Melissa præter hæc, animi tranquillitatem præstat soporem capiti iucundum inducēdo. Fertur, carnem turturis ingenium augere. Gallinæ cerebrum ingenium & memoriā iuuat, adeo vt aliquos qui delirare coeperant, resipiscere fecerit.

Confert & auium cerebrum: nuclei omnes, præcipue pineæ, amygdalæ dulciores, columbi nondum volantes, somnus sufficiens: adamas quoque & hyacinthus vt gestati carnem turgent. item vsus margaritarū in cibo aut potu. Auri lamina super coronalem futuram gestata, cerebrum confirmat, & nonnunquam capitis dolorem remouet: quid enim mirum? cum in crumena modo lætos reddat mortaliū plurimos. Sed hæc varia ratione.

Semen ormini seu sclareæ domesticæ fertur ad recuperandam memoriam mirabile, si in puluere sumatur cum aliquo potu, aut cibo. Item eboris limatura conducit obliuioni, si parum de ea in vino medico sumitur mane.

Item



Item granum vnum thuris albi cum lectum<sup>2</sup> petis, maxime conducit solum transglutitum: nam capitis humiditatem exsiccat & ventriculi, ac ita memoriæ confert. facito hoc post purgationem bis terue in hebdomada, si multa adsit humiditas.

Pleresarchoticum cōfectio, duarum drachmarum pondere hora somni assumpta, vel myrobalanus cepulus conditus sumptus in aurora horis quatuor ante cibum beneque mansus semel in hebdomada, memoriam reſtaurant ab humido læſam præſertim. nam roborant intellectum, & iuuentutem fere conſeruant myrobalani cepuli conditi.

Gingiber item, vt ſupra capite ſecundo dictum.

Memineris in materia humida prius fieri euacuationes: nam materia humida plerunq; eſt debilitatis memoriæ cauſa, vt ſuperius dictum eſt.

## C A P V T V.

*Caput quintum, nonnulla probatiora ſelectaq; medica remedia compoſita ſeruantia continet, multumque augentia memoriam.*

**A**N T I D O T V M mirabiliter conferens memoriæ, lethargiæque vel obliuioni: ventriculum confortat, & omnia debilitata membra ex phlegmate & frigore.

Recipe



Recipe gingiberis, galangæ, mastiches, cumini, origani ana drach. sex. nucis moschatæ, calami aromatici, asari, carpesiorum, id est, cubebæ, ligni aloes, maceris, seminis apij, ammios ana drach. duas, thuris albi, caryophyllorum cardamaomi, zedoariæ, pyretri castorei, piperis longi & nigri, costi, cyperi, ana drach. tres: mentæ siccæ vñcia semis. terantur & puluerizentur omnia, ac cum penidiarum & mellis despumati quantitate sufficienti fiat ecliema. Cuius modus vsus, vt reliquorum sit, præsertim tempore frigido vel nō calido multum, & per intervalla.

Pilulæ quæ languenti cerebro conueniunt, præsertim senioribus ac frigidis. Recipe succini odorati seu ambre delectæ drachmam vnam, ligni aloes scrup. semis, cubebæ scrupulos duos, cum vino meracissimo pilulas confice quindecim, da binas ante cœnam.

Catapotis ad memoriam efficacia. Recipe cubebæ, calaminthæ, nucis moschatæ, caryophyllorum, sing. drach. vnam semis, thuris optimi, myrrhæ electæ, ambari orientalis, sing. scrupulum vnum semis, moschi grana quinq; cum aqua maioranæ pilulas confice, præbe vnam hora decubitus, duas vero in Solis ortu, horis quinq; ante cibum: hyeme per mensem: vere & autumno rarius.

Pomum odorandum pro memoria: Recipe radicis iridis drach. vnam seminis fœlis,

C

id est



id est, sileris montani, stichadis ana drachmas  
duas, nucis molcharæ drachmā semis, mentæ  
drachmam vnam, ambari (vulgo ambræ) thu-  
ris, calamenti, styracis ligni aloës, ana drach-  
mam semis, ladani quantum sufficit fiat po-  
mum secundum artem: quod tamen ex cali-  
dioribus fiet hyeme, & minus calidis æstate.

Probatissimum experimentum ad ingeni-  
um & memoriam, quod ferunt esse Aristote-  
lis. Recipe vrsi pinguedinem, quam habet in  
humero seu spatula dextra, eamque repone in  
vesica ipsius vrsi simul cum eius vrina, & simul  
stent octo diebus: tum extrahe, & accipe suc-  
cum ormini siue sclareæ domesticæ, euphra-  
giæ, berberis buglossi, phu seu valerianæ, aloës,  
omnium æqualiter, & simul misce cum prædi-  
cta pinguedine super ignem, cum lignea spa-  
tula agitando, quoad fiat vnguentum spissum,  
ex quo cum volueris accipe quantitatem par-  
uæ fabæ; & unge frontem & tempora fricando  
aliquantisper, & audita recordaberis.

Lixiuum pro ablutione capitis humidi fri-  
gidique confortatiuum & memoriæ conferens,  
debet autem esse ex cinere farmentorum vel  
quercus, postea intus hæc buliant. Recipe aco-  
ri veri, stichadis, foliorum lauri, roris marini,  
iuræ, saluiæ ana manipulum vnum. ex isto la-  
uato caput: post vero ablutionem aquæ vitæ  
modico sinciput madefacito, & sequenti  
pulueræa pergit. Recipe pulegij, calamenti,  
caryo-



caryophyllorum, sandaracæ, macis, stichador-  
mentæ siccæ, maioranæ ana drach. quinque:  
misce & fiat puluis subtilis, & post inspersio-  
nem superpone stupam canabis, aliis quoque  
diebus ingrediens lectum pone super capitis  
bregmate ex puluere illo etiam illoto capite,  
nam siccat, &c.

Aliud lixiuium ad confortandum caput &  
memoriam. Recipe hederā muralem, rosma-  
rinum, laurum, stichadem, marrubium aut  
betonicam, & buliant in lixiuio, quo caput la-  
ua. Idem fere operantur cupressi nuces, fre-  
quenti vsu.

Sed vt cum lixiuio saponem quoque habe-  
as, Recipe saponis Veneti seu gallici lib. 2. cala-  
mi aromatici drach. 3, maioranæ, thimi, sticha-  
dis arabici, nigellæ, caryophyllorum, cardamo-  
mi ana drach. 2. radicis iridis siccæ & odoratæ  
vnciam vnā tere, ac cum sapone derafo misce,  
ac massas seu pilas confice in nucis iuglandis  
formam: si simul ob siccitatem compone-  
re non vales, adde aquæ maioranæ vel alte-  
rius, quantum satis sit. post ablutionem sic-  
retur caput linteis calidis, nec caput prope i-  
gnem teneas, ne vapores trahantur ac replea-  
tur caput.

Aliud in humido capite, quo bis vel semel  
in hebdomade vtendum: Recipe senæ rosa-  
rum, florum chamæmeli, acori, stichadis, fo-  
liorum lauri, nucum cypressi, saluæ, iux, bac-

C 2 carum



carum hederæ partes æquales, hæc in hyeme  
buliant in lixiuio, pro lotionē capitis, at in æ-  
state remoue stichadem, & rosas adde, ac aliqua  
myrti grana, & minus calido vtere.

Optimum remedium aliud, sed longe dif-  
ficilius paratu. Recipe florum citrullorum sic-  
corum, buglossi, roris marini, ana drach. duas,  
chamæmeli, violarum, rosarum ana drach. v-  
nam semis, seselis drach. duas, feminis viticis,  
rutæ campestris ana scrupulos quatuor, folio-  
rum lauri viridium, maioranæ, stichadis, saluie,  
florum sambuci, artemisiæ, ana drach. tres: cō-  
tundantur optime, & infundantur in libras  
tres aquæ vitæ optimæ, & vncias sex aceti albi  
scyllitici fortissimi, ac simul quiescant duobus  
diebus in vase vitreo bene cooperto, & postea  
destilla ad cineres cum suauī igne: deinde reci-  
pe olei de terebinthina destillati optimi vnc.  
18. olei de been destillati vnc 8. prædictæ aquæ  
destillatæ vncias 24. loco olei de been potes ac-  
cipere olei destillati de adipe vrsino, sed melius  
si de vtroque acceperis partem mediam: si vero  
neutrum repereris, recipe oleū sambucinum:  
adde prædictis rebus capillos hominis bene  
adustos, nam à proprietate euigilare faciunt, &  
excitant lethargicos: misceantur & destillen-  
tur in vase vitreo, vsque ad extractionem to-  
tius aquæ, & aquam ipsam seorsum serua: de-  
inde recipe euforbij drach. quatuor, piperis  
longi drach. 3. semis, cumini drach. tres, thuris  
masculi



masculi clari vncias duas, & drach. duas, mastichis, myrrhæ electæ ana vnciam i. anacardorum bene contusorum vnc. i. drach. 2. carpo- balsami drach. quatuor, pulpæ castorei drach. semis, myrobalanorum empeliticorum drach. 4. semis, opopanacis vncias tres, serici crudi minutimque incisi drach. i. semis, costi, radicū pæoniæ fœminæ, cyperi electi ana scrup. quatuor, ladani drachmas tres, sanguinis draconis, id est, gummi ita ob similitudinem dicti drach. 2. semis, bdellij clari drach. 6. puluerizanda puluerizentur optime, & omnia infundantur in prædicto oleo toto, & sic quiescant in balneo temperato, simul in vase vitreo bene obturato diebus quinque, sed singulo die arundine sicca commoueantur miscendo, postea colentur, & optime exprimantur cum panno rudi prius infuso in aqua & bene expresso: & oleum postea taliter expressum destilletur, vel fiat sicut in destillatione olei de ladano fit videlicet, primo incipe cum igne carbonum leui ad fornacem, donec leuiter ebulliendo incipiat communiter destillare, dehinc procede cum leui & pauca flamma, & quandoque interpolata, donec liquidum & subtile destilletur, quasi totum ex appositis oleis, id quod scire poteris ex visu, sed melius ex pondere olei destillati: postea procede cum igne carbonum mediocri, omittendo omnino flammam & destillatū seruetur in vase vitreo bene cl-



Demum recipe galliæ moschata, caryophyllo-  
rum, macis, cubebarum, nucû moschatarum,  
cardamomi, ana scrupulos quatuor, spicæ, ca-  
lami aromatici: corticum citrei exteriorum,  
ana scrupulos duos, ligni aleos boni drach. 2.  
semis, ambari electi drachmam 3. semis mo-  
schi optimi drach. 1. semis, puluerizentur  
omnia subtiliter, & misceantur cum toto  
prædicto oleo destillato, sicque simul quie-  
scât duob. vel tribus dieb. in calore temperato,  
& postea iterû destillêtur arte sua, & ad subti-  
lem substantiâ reducantur, seruenturq; in vase  
vitreo forti bene clauso cû cera, & est optimû.

Utendi modus talis est, vt prius si oportet  
facta purgatione totius vel capitis eo vtaris  
incipiendo mense Nouembri per dies quin-  
quaginta continuos, postea semel omnibus oc-  
toidiebus, postea solum quando vis memora-  
ri, capiendo illum in fero præcedenti ante ma-  
ne quo vis recitare vel concionari.

Optimum itidem in frigido affectu erit o-  
leum sequens: Recipe terebinthinæ veræ (quæ  
ex Cipro vt plurimû Venetias affertur lucens  
odorataq; ) vel eius loco laricinâ libræ vnius  
pondere, laterum antiquorû post coctionem  
haud aqua madefactorum, qui in frustra reda-  
cti, ignitiq; ac in oleo veteri oliuarum fuerint,  
libram semis, mastiches vnciam, terantur late-  
res, & cum resina commixti, modo chymico  
in vase vitreo bene incrustato, igni clibani aut  
for-



fornaculæ apponantur, liquoresq; manantes  
seorsim colligantur: nam tres varij coloris de-  
fluent, igne gradatim aucto.

Vnguentum ad idem. Recipe adipis vrsi,  
capi, gallinæ, vactæ, & gummi hedere, ana pon-  
dus æquale, omniaq; alembico vitreo destilla  
suauis igne, quo oleo vnge tempora & pulius  
manuum, ter in hebdomada, & rem optimam  
senties.

Vnguentum, quo tempora vnges medio-  
criter in tempore frigido tantummodo. Reci-  
pe talpæ pinguedinem, vrsi, mustelæ, castorei-  
que ana, succi betonicæ, & roris marini ana:  
ex omnibus confice vnguentum, quo uteba-  
tur, vt fertur, Aristoteles.

Vt profunde memoria teneas, & perpetuo,  
vtq; velociter apprehendas: hoc vñ sunt multi  
magni viri. Recipe radicem linguæ bouinæ,  
radicem valerianæ, ana vncias quatuor, radi-  
cum rutæ vncias duas: fac inde pulueres sub-  
tilissimos. Postea recipe succum euphrasiæ,  
sclareæ siue ormini, berbenæque ana vnci-  
as quatuor: coletur bene succus per pan-  
num, postea misce succos simul, & pulueres  
separatim: postea recipe medullam anacardo-  
rum vnciæ vnius pondere, & fac puluerem vt  
supra. Item recipe linguæ auis, id est, semine fra-  
xini, & fac puluerem subtilissimum, postea  
misce omnia prædicta simul, scilicet, succos  
& pulueres, & accipe farinam terreâ vitrea-



ram, & pone ad ignem, intusque pone ex vrsi pinguedine, & funde, seu liquefac paulatim, & intus proice dictos pulueres cum succis miscendo semper, apponendo de dicta pinguedine, quousque fiat vnguentum subtilissimum, quo vnge tempora & partem memoriæ & frontem & verticis partem versus nucham hocque ter vel quater in anno facies, & continuabis sic vngendo, etiam prout magis aut minus oportebit. Hoc enim in virtute excedit superstitionis artem notoriam.

§ Ad idem: Recipe octo calices aquæ communis, foliorum hederæ, stichadis ana libram vnā semis, ponantur simul in aqua ad bulliendum fere ad consumptionem aquæ, postea coletur beneque exprimatur, & intus pone modicum terebinthinæ lotæ cum rosacea, postea caput laua cum bono lixiuio, & post exsiccationem vnge cum prædicto liquore tempora & occiput.

Pomum odoriferum ad confortationem cerebri frigidi. Recipe ladani, ligni aloes, styra-cis, ana drach. vnā, caryophyllorum, nucis moschatae, seminis ozimi ana drach. semis, cum aqua rosacea, in qua nonnihil moschi & ambari dissolutum sit, fiat pomum.

Ad habendam profundam memoriam, vel si quis eam ex debilitate vel infirmitate amisisset: valet etiam vertigini. Recipe roris marini, id est libanotidis, boraginis, chamæmeli, violarum



rum, rosarum ana vnciam vnam, stichadis, foliorum lauri, maioranæ, saluiæ ana vncias duas: omnia incide & pone in optimo vino, & post diem destilla per alembicum vitreum aut vitreatum, & destillatum serua, in quo pone terebinthinæ odoratæ libr. vnam, thuris albi vncias octo, masticeis, myrrhæ bdelij anacardorum ana vncias quatuor: omnia tere, & dimitte sic stare per dies quinque cum destillatione cooperta, postea destilla in tantum cum igne fortiori, donec ex eis oleum habeas, quod serua bene clausum in ampulla vitrea bene cum cera & pergamento obturata: modus vsus talis est: Recipe ex eo quantum caperet cortex auellanæ per os, & unge etiam partes memoriæ, scilicet occiput & quasuis partes iam dictas, optimum experieris. Nonnullis pauperioribus bonum fuit remedium vti in quantitate fabæ gentiana quando vsque opus sit.

Possem hic plura etiam vtilia remedia aggregare, sed hæc sufficient, & viam struent aliis pro occasione parandis: nam breuitati studui, & meliora ex bonis selegi, nec penes me, vt nec Christianum decet, latere volui. Plura & non spernenda composita reperiet quicumque apud Antonium Fumanellum medicum Veronensem, in opere suo de compositione medicamentorum capite 16. Hic ea non transscripsi, ne actum agerem, quamuis meis aliqua ex parte consonent illius nonnulla. eligat quisq;



quod sibi conueniens sit: & qui nescit, Medicum consulat doctum, memineritq; nihil sine labore fieri aut parari dignum laude. nam omnia proposuit labori Deus: nec sunt spernenda media illi qui finem assequi desiderat: cum nec iuxta physicos, ex extremo ad extremum perueniatur sine medio conuenienti: enim uero segnum est non optima quæq; sibi ad imitandum proponere, ut si eo pertingere non valeamus, propius saltem quam fieri potest accedamus: quamuis non ex omni ligno (ut adagio fertur) mercurius fiat.

## CAPUT VI.

*Caput sextum, philosophica consilia, canones,  
& memoria ac reminiscencia præcepta narrabit.*

**V**T Aristoteli placet, duo sunt memoracionis actus, memoria scilicet & reminiscencia: quanquam reminiscencia respiciat eorum quorum sumus obliti, sitq; ext. matiuz seu cogitatiuz virtutis officiũ, nõ principaliter memoratiuz, ut Auerroes & Albert<sup>9</sup> in suis tractatulis voluerunt: vel dicas facultatẽ illã reminiscendi esse mentẽ & intellectũ, ut Themistius voluit, quoniã nulla facultas videtur discurrere, nisi intellectus hæc autẽ sine obiecti præsentia in homine solo est, nam cũ obiecti præsentia



tia etiam in brutis reperitur, vt Aristoteles in-  
quit, & in cane venatico satis patet: dicitur quod  
sensus phantasticus. ¶ Memoria vero est reten-  
tio imaginum prius ab anima perceptarum,  
quæ tamen neque utilis est nisi & omnes reti-  
neat, & eo ordine quo eas concepit, reddat. nō  
est autē præsentium neq; futurorum, sed præ-  
teritorum tantū, vt inquit Aristoteles: id quod  
ad nostram perceptionem referendum est,  
qui sensimus prius vel percepimus, siue id præ-  
sens sit, siue non. Nam alioqui & superstitum  
quoque recordamur. Memoria rursus & re-  
miniscentia, quamuis eidem subiecto generi  
competant, differunt tamen aptitudine, quo-  
iam bene reminiscētes, cōmuniter male me-  
morari consueuerint. tempore item memoria  
semper reminiscentiā præcedit: non enim quis  
reminisci potest, nisi ex his, quorū habet me-  
moriā. Hæc etiam multis aliis animalibus  
concessa est, illa vero solis hominibus: nā cum  
reminisci sit velut syllogizare, id est, ex notis ad  
ignota deuenire, hoc vero proprium sit homi-  
nis, inde fit & reminiscentiam hominis, esse  
munus vt superius innui.

¶ Ad memorandum quatuor motus con-  
currunt: primus est motus spirituū qui à cogi-  
tatiua ad memoratiuā figuras aut species trās-  
portant. Secundus est pictura fixioq; figura-  
rum in ipsa memoria. Tertius est reportatio  
à spiritibus à memoratiua ad cogitatiuā seu ra-  
tio-



tiocinatuam. Quartus est illa actio, qua cogitativa recognoscit, quæ proprie est memorari. Dicimus etiam quod actus memoriæ vel reminiscentiæ supra tres res quasi tria objecta per se cadit, videlicet supra rem alias apprehensam, supra actum quo illa res alias apprehensa fuit, & supra tempus determinatum vel indeterminatum in quo apprehensio illa fuit.

Ad cuiuslibet harum rerum defectum necesse est deficere etiam memoratorem. Quapropter etiam bene memoria sic definiatur, quod sit apprehensio in anima existentium specierum, cum indagatione & inquisitione: sed de his in primo capite iam dictum. Nunc de artificiosa memoria dicere instituentes, quæ oporteat de se præstare volentem memorari, præscribemus. Erunt autem pro nunc præcepta viginti, sed breuibus verbis complexa.

Primum iudicato (hoc & similia sint dicta iunioribus studiosis) studia quæ sequeris omnium præstantissima: & te felicem si consequeris sapientiam: & sapientem audias præceptorem, quem etiam cogaris admirari: plurimum enim memoriæ conducit: si quæ aut leguntur, aut audiuntur, cum admiratione ac voluptate incidant.

Et inter claues sapiëntiæ ponitur honor magistri: quare non est mirādū, si huius seculi auditores multos parum proficere videamus, quia de se ipsis confidentes, magistrum spernunt.

¶ Nec



¶ Nec multum læteris quisquis es, (vt multi faciunt) si multa legeris, vel potius legendo percurreris: sed bene lætare si multa intellexeris, eaque retinere potueris. Quid enim prodest, quod in tua non est potestate?

2. Eam scientiam iudicato difficilem & per paucis bene cognitam: quia inde oportet ingenium assurgere: & id vtile est memoriæ.

3. Attente & accurate audias præceptores: similiter si legeris, facias, ad studium omnes animi vires congregando: nec vagetur mens tua, sed cogē illam ibi esse, aut paruo murmure eam reuoca. Ille enim est docilis auditor, qui attente paratus est audire: nam ex diligenti attentione maior fit motus, ac impressio firmitior. Vnde Terentius: Vbi intenderis ingenium valet. Et Plato in Thimæo: Ego vt primum auditorem decet sine sermone sub silentio, mentem atque aures parabo.

4. Cum multa sis collecturus, quantum fieri potest ad paucitatem breuitatemque reduces: aliter enim addiscens, aliter memoraturus procedit: nam qui addiscit, genus in species secat vsque ad specialissima: qui vero vult memorari, multitudinem in vnum, vel saltem in pauca redigit.

Verus quoque ad memoriæ fidelitatem conducunt propter compositionis ordinem & structuram, haud temere vagantem ac sparsam, sed certis conclusam limitibus, vt animam non patiantur aberrare.

5. Ordo



5. Ordo ante omnia diligatur in diuisione corporis in membra: sic tractatus in capita, & capita in conclusiones secabis.

6. Singula sæpe repetenda, ita vt cum vnum caput & sequens pariter didiceris, & primum & secundum rursus animo repetes: & cum tertium didiceris, rursus à primo inchoandum erit, & sic successiue.

7. Complexurus multa, mēbratim secabis: ne diffusa multitudo memoriam confundat. Vnde Poeta ille:

*Scire si vis hanc rem, tota sit separata minutim:*

Et inquit Seneca, Necesse breuia & pauca esse quæ memorari volumus. Ideo si ad summam quandam & paucitatem reducas, facilius retinebis.

8. Sit tibi frequens & diuturna de eadem recogitatio, vel cum aliis disputatio, vel alteri declaratio. ex frequentatis enim actibus generatur habitus, qui est memoria. Nec te à disputatione deterreat erroris timor: nam tenacius retinebis quod didiceris cum rubore. Vnde Seneca: Memoriam nihil perdidit, nisi quod sæpe non respicit.

9. Conare vt intelligas quæ volueris memorari: neq; ita curandum est vt multa legas, quā vt multa intelligas: aut pauca multū legas, eorum præsertim qui non nugis chartas implēt.

Principium in lectione consideratio est: & confirmatio in meditatione: vnde meditatio dicitur



Fitur quasi mētis dictatio. Aitq; Aristoteles: Meditationes memoriā saluare. Est enim meditari aliquid multoties speculari: nō vt ipsum est, sed vt imago alicuius. Et apud Ptolemæum in principio Almagesti: Meditatio veritatis est clavis: Sed (vt inquit Thomas) per ea quæ non intelligimus, non meditemur, neq; volitemus: sed ea prius intelligamus, quam in posteriora properemus.

10. Caue ne obfint memoriæ literæ, ne scilicet illa quæ scripseris in memorabilium libello, ea veluti certa & alligata tenens, custodire definas, & ipsa securitate fidens è mēte dimittas. Clarum est in hoc Antistenis Atheniensis exemplum, qui amico cuidā deploranti, quod cōmētarios suos perdidisset: oportuit (inquit) ista potius animo quam chartis inscribere: sentiens librorum fiduciam esse causam, quo minus memoriam exerceamus.

11. Procuranda est cibi cōcoctio, & quæ obfunt memoriæ fugienda sunt, & sint in vlu quæ illi conferunt, vt supra cap. tertio & quarto dictum est.

12. Liberandus est animus ab aliis cogitationibus ab his scilicet quæ studiū non respiciunt: nam pluribus intentus, &c.

13. Non audiendia tantum, sed etiam videnda sunt quæ volueris memorari: nam semel videntes magis memorantur quam identidē sæpe sæpius audientes.

14 Do



14. De quibus interrogatus fueris confestim ne respondeas, id est, absque meditatione: nam subita responsio semper inconsulta est. in legendo etiam, inquit Thomas, discursum super omnia fugias.

15. Metiri debes vires ingenij tui tuæque memoriæ, ne ingeras illi plus quam semel capere possit aut tenere: exemplum à stomacho sumendum, quia si supra vires oneretur, invalidior fit, non enim concoquit: nec impinguitur corpus gulosis: ita quicquid addiscitur, nisi retineatur, parum prodest: ideo si quantum oporteret retinere non poteris, numerum multiplicabis, & continuam imminues quantitatem: ac tutius est minus quam nimis accipere: nec incommode huc adducetur illud Horatii:

*Sumite materiam vestris qui scribitis aquam  
Viribus, &c.*

16. Certas horas studio constitues, illas præsertim quibus à cibo stomachus seu ventriculus erit vacuus: tunc enim ingenium vaporibus non obtenebratur. horæ convenientes erunt conticinia & matutini galli cantus: curabisque ne aliqua ratione fortunæ, deseras tempora studio decreta.

Nam Plinius perire omne tempus arbitrabatur, quod studiis non impertiretur.

17. Vesperis quotidie quid discendo lucratus fueris repetes, imitatione Catonis, qui quic-



quicquid die fecisset, legisset & dixisset, in crepusculo commemorabat.

18. Memoria est à teneris exercenda, vt & in iuvene & viro promptior sit & paratior: multum autem refert quo quis doctrinæ genere à teneris imbuatur: nam

*Quo fuerit imbuta recens, seruabit odorem*

*Testa diu.*

Omnia enim pueris noua sunt: noua autem & admirabilia fortem faciunt in memoria impressionem.

19. Ad animi recreationē, viriumq; reparationē, non ad obscœna confugies, sed mutato id facies studio: remittere enim animum quam amittere, melius est. Sed & ludicra Christianorū debent esse seria. Post studia igitur seria vel grauiā, ad leuiora confugiendū, vt ad historiā vel exercitia musicalia: nā vires reparat alitq; tempestiua quies, ac etiam maior est post ocia virtus. Sunt qui ludere malint, quod quidem conceditur, si ludus sit ludus, & non res seria: sitq; breuis, honestus, sine dolo, vel damno, aut cupiditate. Mouet ingenium ludus duodecim scruporum, quem moderni scaccorum nominant, sed in eo nimis sæpe adhibetur temporis & studii, quod præstaret melius collocare. Paruæ pilæ ludus, etiam toti corpori proderit: deambulatio, præcipuè capiti, vtilius erit simul disputare & inambulare manusque mouere. Hæc animi recreatio non sit diuturna neque

D frequens;



frequens, & præsertim horis studij non agatur. Reuolandum est statim ingenio confirmato ad studia literarum, ne tempus depercat, quo nihil carius, agendumq; vt quod deperditum est, auido studio recuperetur. Namque (vt ait Philolphus.)

*Ludus, crede mihi; nullus tibi pulchrior alter;  
Nec melior quisquã, nec quo magis omnis acerba.  
Cura laborq; vacet, quam si virtutibus almi.  
Te penitus dedas. Virtus leuat aurea curis,  
Latitiag; animum reficit, redditq; beatum.*

20 Ne discedas à præceptoribus antequam deceat: plures enim scientia in summos euaderent viros: nisi prius esse discipulos puderet, quam sapere valeant. Proderit & alios docere, dictare, declarare, interrogare, ac respondere: dubitare de nonnullis bonum est, modo id si-  
ne ratione non fiat.

Vltimo, inter infelices dies illum computabis, quo aliquid non profeceris didiceris: quod tuum esse possit: vt nulla dies sit (vt in adagio est) sine linea in omni doctrina, breue aliquid & certum collige, quod in memoriæ arcula recondatur: vnde postmodum cum res exigit, aliqua deriuentur. Vnde hæc etiam sæpius replicare necesse est.

*Quisquis desidiam, luxumq; sequetur inertem,  
Dum fugit oppositos incauto mente labores:  
Turpis inopsq; simul miserabile transiget æuam.*

PRÆ-



PRÆCEPTA RE-  
miniscentiæ.

**P**RIMUM præceptum est, ex ordine & reminiscibilium consequentia: cum enim didicerimus ordinatim aliqua, connexion & dependentia quadam ordinata, & de illorum aliquo obliti fuerimus, id facile reminiscemur ordine repetito: cognito enim antecedente, facile in consequens deducemur, & deperditum inueniemus. Recte igitur dicit Philosophus: Quæ bene inuicem ordinata sunt, bene reminiscibilia sunt: quæ vero male, difficulter in memoriam reuocantur. Facile enim gesta recensemus, cum eo ordine in oratione collocantur, quo facta sunt: quoniam sicut se habent res gestæ ad inuicem, ita se habent & in mouendo animam.

Secundum, ut vno simili in consimile prouehamur: ut, si Homeri non recordamur, Latinorum Poëtarum principem Virgilium memoramur: ex quo facile in Homerum Græcorum vatum primarium descendemus.

Tertium est, ut aliquando contraria recogitemus: qui enim memor erit Hectoris, reminiscetur & Achillis.

Quartum est, loci ac temporis recordatio, in quo res tractata est: sic personæ & causæ, propter quæ ea fecimus, reminisci contingit: & locus apud Aristotelem est principium



reminiscendi: locus enim & tempus facile rem adducit memoriæ. Sunt etiam tres argumentorum sedes, à similibus, à contrarijs, à propinquis.

Quintum est res omnes à proprietate repetere: vt si saginati memoriam habere velimus, ad Dionysium Syracusanum descendamus vel recogitemus: qui, vt autor est Iustinus, præ sagina visum perdidit.

## C A P V T VII.

### *De locali vel artificiosa memoria.*

**A**Rtificiosa memoria est dispositio imaginaria in mente rerum sensibilibus, super quas memoria naturalis reflexa, per eas admonetur, vt memoratorum facilius distinctiusq; recordari valeat: ac (vt inquit Cicero secundo ad Herennium) ex locis veluti ex cera aut tabella, & imaginibus veluti figuris literarum constat. Sic enim fieri solet, vt quæ accepimus quasi legentes reddamus: neq; multum inter sit an à vertice an à calce incipiamus. Locos ipsos ordinatos esse oportet: nam si in eis confusio sit, confundatur omnia necesse est. Multos etiam eos esse decet, vt multa locari eadem exercitatione possint. Cicero centum eos esse debere iudicat. Thomas Aquinas plures habendos consuluit: Hos multi variis artibus quasi fiere



quæ fieri. Metrodorus in signis duodecim per  
 quæ sol meat, tercenos & sexagenos inuenit lo-  
 cos: quod tot gradibus apud Astrologos obli-  
 quus ille circulus secari soleat. Cicero fami-  
 liarem domum finxit, locis discretam multis,  
 placuitq; illi, vt inter locorum quinaria, vel  
 manum auream, vel aliud quid discrimen fi-  
 guremus, quo alter ab altero secernatur: in eis-  
 que immobilem ordinem haberi, vt semper  
 dextra ingrediamur & egrediamur. Quidam  
 non ignauus autor, ex animalibus locos finge-  
 bat, & eorum ordinem ex alphabeto Latino  
 deduxit, vt à singula litera vnus animalis no-  
 men inchoaretur: perinde ac si nomina hæc  
 essent: Asinus, Basiliscus, Canis, Draco, Ele-  
 phas, Faunus, Gryfus, Hircus, Iuuenus, Leo,  
 Mulus, Noctua, Ouis, Panthera, Qualea, Rhi-  
 noceron, Simia, Taurus, Vrsus, Xistus Philoso-  
 phus (qui de his scripsit) Hyena, Zacheus. Hæc  
 singula in quinq; locos diuidebat, in caput, in  
 anteriores pedes, in ventrem, in posteriores  
 pedes, & caudam: nam hunc ordinem ipsa na-  
 tura porrexit: neq; confundi in eis enumeran-  
 dis ingenium potest. Sic itaq; centum & quin-  
 decim locos nactus, in eis rerum memorabiliū  
 imagines sculpebat, ac etiam in loquentis facie  
 multa ingenio scribi præcipiebat, in capillis, in  
 fronte, in oculis, sicq; deorsum ad pedes de-  
 scendi Mihi vero facillimum videtur non mo-  
 do centum, sed propemodum infinitos locos

D 3 reddere



reddere & effingete: cum neminem lateat ciuitatis originalis situs, vel in qua diu habitauit. Igitur cum per portam mens ingreditur, dum secantes se ad diuersas regiones vias considerat, dumque amicorum domos, ædes publicas, prætoria publica repetit, miram locorum quantitatem assequetur. Accedet ad hoc potestas atria effingendi, in quibus quantum libeat, numerum locorum faciet, vt inscribi quæcunque voluerit possint. Et quia breuis atque efficax est doctrina per exempla, hinc exempla ponam, vt res facilius intelligatur, de decem ponam exemplum, & consequenter ex proportionē habebitur vel de mille. Capiō igitur domum magnam & vacuam, ad quam non frequenter sed raro ire debes, & statue primum locum qui est apud ostium distans ab ostio per tres pedes. Secundus locus sit ab isto distans per duodecim vel quindecim pedes: vt verbi gratia, sit angulus vnus. Tertius locus sit à secundo distans per totidem pedes, vel duodecim: & erit forte alter angulus, vel medium inter angulum primum & secundum. Quartus, erit angulus. Quintus, erit angulus distans per tantundem. Sextus confimiliter: & finita sala, intrabis vnā cameram, atque intra ostium immediate signabis septimum, deinde in primo angulo cameræ octauum, & in secundo angulo nonum, & in tertio decimum cum sua distantia. Si vis plura loca, ex eas  
came-



cameram, & signa sic alias cameras proportionabiliter. Nota tamen, quod distantia data mediocris est & conueniens, sed si tanta distantia non inueniatur, sed minor vsque ad octo vel ad minus quinque pedes, adhuc tolerabile foret. De templo scito tale esse debere quod non multum sit frequentatum etiam à te, ne multitudine imaginum confundaris. Ista loca debent esse signa memorabilia & manu ductibilia, loci enim non sunt anguli, sed fixæ imagines in angulis situatæ: super quibus sicut super charta aliæ pinguntur imagines delebiles, sicut literæ.

Vt, verbi causa, primus locus signatur per vrinale, ponendo in eius loco vrinale. Secundus signabitur per pyxidem. Tertius per mortarium. Quartus signabitur per pistillum ponendo illud ibi. Quintus per pugillare. Sextus per pedem leporis. Septimus per cribrum. Octauus per sacculum ponendo similiter sacculum. Nonus per panem cereum. Decimus per cannas cassiæ, &c. Et ista nomina oportet mente semper tenere, & loca de quinto in quintum, vt quinarij loci menti semper habeantur. de distantia satis dictum. Scito tamen, quod vsque ad viginti quinque licet transire, nec ultra: ne fiat negatio in imaginibus. Et consimiliter dicatur de quantitate quantum ad altitudinem, ne sint multæ altitudinis, sed à quinque vsque ad duodecim pedes. Et notetur



quolibet quintus, ut dictum est de ordine. de qualitate autem ut non nimis lucidæ, nec nimis obscuræ, nec nimium frequentes. Trans-eamus ad imagines nobis notæ in istis locis collocari cum motib. talibus, ut per eas valeamus memorari. Verbi gratia, volo memorari de viginti nominibus, sic faciam: in primo loco imaginem Petri mihi notissimi locabo, cum vrinali in manu pleno vrina, quam fundet super Iacobum mihi notissimum: & ex isto actu notabili, horum duorum memorabor: & sic duorum nominum memoriam mihi fecero. In secundo loco ponam Martinum mihi notissimum (nam oportet imagines istas esse notissimas, ut cito in memoriam recurrant) qui ponet digitum suum in pyxide & extrahet vnguentum, quo cum digito orificium vnget an- Henrici mihi notissimi. In tertio ponam Andream mihi itidem notum, qui cum manu ex mortario extrahet emplastrum quod ponet super faciem Francisci, vel alios ridiculos actus fabricando, ex quibus memoria de talibus nominibus confirmetur. Et ita pariformiter procedatur in alijs.

Similiter si recordari voluero alicuius cum suo actu, illum imaginabor cum re illius actus: ut si recordari velim alicuius comedentis ficus, tunc imaginabor quod cum ficu aliquid festi-uum faciat vel stupendum.

¶ Si argumenta recordari vis, capias substan-  
tiam



tiam argumenti, & ipsam tantum locabis, quia totum argumentum haud posset locari, siq; de aliis rebus suo modo. dicebat tamen Philosophus tertio Topicorum, in argumentationibus propositiones memorabiliter scire oportet.

Rursus de figuris etiamnum differamus his quinque praeceptis.

Primum est, ut aut risum moueat figura, aut misericordiam, aut admirationem: facile enim inuenitur figura quæ affectum animæ conuertit. Exemplum huius est, si in ore asini rabidi caput Antonij constituam morsibus fere confringi, cruorem effluere, auxilia petere, ac passis palmis vociferare: nam fieri non poterit, ut cum voluero, non videam hunc oculis mentis meæ, & reddere Antonium nesciam repetenti.

Alterum est, ut aut simile per simile, aut per contrarium figuremus, aut per proprietatem. Primi exemplum est, ut si nomen Galeni sim locaturus, alicuius illustri medici nomen scribam, cuius, quoad fieri potest, aut par sit, aut paulo debilior auctoritas. Secundi exemplum est, si idem per indocti medici nomen conscripsero: si Therситum per Achillem, & bonum pro malo: informem per formosum annotauero. Exemplum tertij est, si Ouidium Nasonem, per magnū nasum: Platonem per humerorum latitudinem: Crispum per anulatos capil-  
D 5 los:



los Ciceronem per Gelasinum sculpsero.

Tertium est, ut à tenellis annis assuescamus locare, & cum quotidiana exercitatione crescamos: quanquam etiam adultis prodesse possit ipsa doctrina. Efficacior fit habitus, si quaecunque aut dicturi aut facturi sunt sic locent: quaecunque etiam inter fabulandum audiant: Sic pingant mores, gestus, temporaque sculptant: Sic enim breui tempore fient exercitissimi. Ludere etiam prodest alterum cum altero, illum vincere qui plura clarius, ordinatius, velociusque retulerit.

Quartum est, ut omni quinario rerum signandarum repetamus à principio quaecunque signata: solet enim repetitio valde conferre.

Quintum est, ut quæ non sunt simplicia, ea per componentium similitudines statuamus, verbi causa: qui memorari voluerit huius enunciationis, Cicero cum Hortensio disputat, Cicer legumen in horto finget, qui de horti sterilitate conqueratur: sic enim & cicer Ciceronem, & hortus Hortensium, & querela disputationem repræsentat. Sic autem seruari solent & legum capita, ut si locanda illa lex sit, Publicati testamenti fides: effingamus dicam testamentalem patentem, cui quispiam cœnū iniecerit & eius fides aboletur. Ecce publicati semel testamenti fides relegi poterit. Verum hæc facilius fient, si adsit doctrina & rerum memorandarum cognitio, neque desit consummata



sumata & inuicta exercitatio, cum exercitatio possit omnia: ita & medicus medicinalia, & iureconsultus plebiscita facilius recordatur.

Locus igitur ceræ ac chartæ vel tabulis (in quibus antiquitus multa scribebantur) similis est & comparatur: imago autem literis seu scripturæ: nominum recitatio, lectioni, aut rerum lectarum recitationi. Locus est pars vicaria memoriæ & instar illius capax. multiplicaturque per antrorsum & retrorsum, per dextrorsum ac sinistrorsum, per sursum atque deorsum, aliquid addendo vel diminuendo: multiplicatur etiam mensurando longum, transuersum & medium. Locorum regula breuiter & hæc ordine est, vt primo sit locorum inuentio, (de qua superius dictum est) deinde ordinatio, meditatio, distantia, fictio, solitudo, mediocris lux, dissimilitudo, quantitas, loci quinti signatio per manum auream vel alterius metalli, illiusque variatio, ne similitudo confusionem pariat.

Imagines sunt similitudines rerum in mēte conceptarum, siue simulachrum simile ex toto vel ex parte rei cuius recordari volumus, imo pro ipsis rebus collocandis accipiuntur. Sunt vero in duplici genere, scilicet aut notæ aut ignotæ: notarū quædam animatæ, aliæ inanimatæ: & tam animatarum quam inanimatarum, aliæ simplices, aliæ compositæ. Illud  
rursus



rursus non obliuiscaris, quod in collocandis imaginibus super locis, semper res locanda est cum actu ridiculoso, vel admiratiuo, vel crudeli, vel alio modo inconlucto: nam ridiculosa, crudelia, iniuriosa, admiratiua, excellenter pulchra, vel turpia, immutant sensus, ac melius excitant memoriam, cum anima circa talia multum aduertat. Variantur quoq; imagines per transpositionem literarum, & per transumptionem: vt si velim Romam recordari, ponam deum amoris, qui vocatur amor: & pro tyranno lupum rapacem. Sufficit itaq; nos methodum ostendisse, quam qui sequetur, haud difficile, modo exercitatio accedat, multorum ac variorum sibi pro occasione debita, recordationem certam parabit: ignaui autem & otiosi torpeant, quibus omnia infensa sunt. Videre si lubet quid Thomas Aquinas in Epistola ad quendam suum monachum scribat, ita inquit: Quæsiuisti à me qualiter intendere oportet in thesauro scientiæ acquirendo: hoc à me tibi datur consilium: vt per riuulos in mare, & non statim in mare eligas introire: quia per facilia oportet ad difficilia peruenire. tardiloquum te esse iubeo, & tarde ad loquutorium accedentē. conscientia puritatem amplectere: orationi vacare non desinas, cellam frequentare diligas, si vis in cellam luminariam introduci: omnibus te amabilem exhibe: nihilq; tibi sit de factis penitus aliorum. Nemini te multum familiare



familiarē ostendas : quia nimia familiaritas parit contemptum, & subtractionis à studio materiā subministrat. Et factis & verbis secularium nullatenus intromittas. Discursum super omnia fugias. Et sanctorum & proborum virorum vestigia imiteris. Nec respicias à quo audias, sed quidquid dicatur memoriæ commenda. ea quæ legis, fac vt intelligas, de dubiis te certificans: & quidquid poteris, in armario-  
lo mentis reponere satage, si cupieris vas implere. Altiora te ne exigas, &c.

Vltimo, epilogi vice ac veluti colophonem addam quæ scribit Erasmus Roterodamus libro tertio Eccles. Ad natiuæ memoriæ vim natura felicem, accedat intelligentia, cura, exercitatio, & ordo. ad memoriā confirmandam non nihil opis pollicentur & medici, & secundum hos Marsilius Ficinus: sed præter ea quæ diximus, plurimum confert perpetua vitæ sobrietas: nam crapula & ebrietas, vt ingenium hebetant, ita memoriā prorsus obruunt: officit etiam curarum varietas, & turba negotiorum. officit & tumultuaria diuersorum voluminum lectio. Hanc præcipuam arbitror causam cur senectus sit obliuiosa: quod ea vis animi multitudine rerum obruitur. officit memoriæ pudor immodicus, auditorum nouitas, & anxia cura: pudor & nouitas vincitur assuetudine. Anxium studium officit ad hoc ipsum quod impendio affectat. Alibi sic inquit: Optima



ina memoria arse est, penitus intelligere, intellecta in ordinem redigere, postremo subinde repetere quod meminisse velis. haecenus Erasmus. Si vis igitur rerum bonarum pollere memoria, diligenter curato, ut eius quod ediscendum est, certam intelligas rationem. Ratio enim est indissolubile veritatis & memoriae vinculum. Ob hoc forsitan Plato inquit, quod bene intellectum est semel, obliuioni omnino tradi nunquam posse. Ea quoque memoriae tradenda sunt, quae non solum utilia sunt, sed & iucunda. nam alimenta quae suauissimum saporem afferunt, facilius in naturam nostram transeunt atque conuertuntur: & quo auidius quid haustum est, eo diutius retinetur. Adde his, quod observandum omnino Aristoteles & Simonides arbitrantur, ut certus quidam in ediscendis ordo vel insit, vel saltem excogitetur. Ordo in proportionem quadam & conexione consistit. In his autem quae ordinata serie digesta sunt, siquid vnum acceperis, reliqua continuo necessaria quadam vel naturae vel artis continuatione sequuntur. Observandum insuper, ut saepe numero, quae didicimus, meditemur: sic enim alimenta animi concoquuntur, & quasi conuertuntur in animum. Confert etiam quam plurimum siquis eleganti oratione cantuque suavi, quae memoriae mandauit, saepe recenseat, ut dictum supra est. Voluptas enim rerum condimentum est, amoris esca;  
incita-



incitamentum ingenij, voluntatis pabulum,  
roburque memoriæ. Purganda est etiam ani-  
ma à malis. vt impleatur bonis, orationeq; ad  
Deum fideli petendus est Spiritus sapientiæ &  
scientiæ per Dominum nostrum Iesum Chri-  
stum, cui cum Patre & sancto Spi-  
ritu sit honor laus & gloria  
semper.

F I N I S.



